

consentanea sit lex Stagiritarum , Bibliensium et Atheniensium : à mī dīr, mī arīas: Qūe non posuisti, ne tolle, nisi de rebus amissis intelligatur. *Alien. Var. Hist. III. 45. IV. 1. Diog. Laert. I. 57.* nec minus 39) errent ii, qui rem inventam inventorī, eique, qui eam tolli videbit, communem esse existimant: *) attamen 40) id jus non producendum sit ad res, quas populus sibi jure occupationis, per universitatem factae, vindicavit, vel 41) summo imperanti, tamquam *īgājētōn tī*, cessit. Quod eum jure potuisse, supra jam vidimus. (§. CCXLIII 23.)

*) Inoleverat olim mos, id, quod ab aliquo inveniretur in commune possendi: quod fiebat formula IN COMMUNE, vel apud Græcos *νομός ἐργῆς*, itemque *νομίνη τῷ ἐργῷ*. De qua formula præter Erasmus in adagis plura monent viri docti ad Phædr. *Fab. V. 6. v. 3.* Addi. Plaut. *Rudent. IV. 3. v. 72. seq.* At quem, quæ nullius sunt, cedant occupanti, (§. CCXLII. 17.) nec in ejusmodi rebus ulli fit jus, alium usu earum excludendi: (§. CCXXXI.) is denique, qui solis oculis rem usurpavit, nec adprehendit, tamen occupasse non dicatur: (§. CCXLII. 20.) hunc etiam partem præde possere non posse, nisi id leges civiles vel mores ac consuetudines alicujus provinciæ permittant, facile adparet.

§. CCXLIX.

Nec minus inde patet, 42) inventorī cedere res, ab hominibus fanæ mentis suique juris animo abdicandi dominium abjectas, adeoque 43) et sparsa missilia, immo et 44) THESAUROS, quorum de prioribus dominis nullo certo arguento vel indicio constat, casu fortuito inventos, nisi 45) et hos sibi vindicet populus vel summus princeps. (§. CCXLIII. 23.) Qua de re varias gentium leges recesuerunt Grot. *de jure belli et pacis II. 8. 7. Pufend. IV. 6. 13.* et ibi Hertiū. Eu. Otto ad §. 29. *Inst. de rer. divis. 46.*) Merito tamen rationem etiam habendam dominū soli, ut pote quem fructus ex solo suo quoscumque percipere, æquum est, *) ac proinde 47) recte, et plane ex regulis æquitatis naturalis unum semissem thesauri, casu fortuito reperti,

inventori, alterum domino soli adjudicasse Hadrianum. Spartiant. in Hadriano Cap. XVIII. §. 39. *Inst. de rer. divis.*

*) Quod adeo verum est, ut hinc quædam gentes inventorī plane præferendum putarint, veluti Hebrei, *Math. XIII. 44. Selden. de jure nat. et gent. sec. discipl. Hebr. VI. 4. Syri*, Graci, quin et ex ipsis Romanis haud pauci. Philostr. *Vit. Apollon. Tyan. II. 39. de vit. Sophist. II. 2. Plaut. Trism. I. 2. v. 141. l. 67. D. de rei vid.* Ubi tamen inventori pars cedit, non nihil interesse videtur, mercede conductus quis terram nostram foderit, an operas nobis haud locarit. Quamvis enim mercenarii nobis operis conductis adquirant: id tamen justam habere rationem non videtur, si quis operas nobis non ad investigados thesauros, sed ad cellam excavandam, vel simile opus, locarit. V. A. Corn. van Bykersh. *obs. II. 4.*

§. CCL.

Alter modus adquirendi dominium originarium est ACCESSIO, per quam jus ea, quæ substantiæ, nobis adquisitæ, accedunt, incrementa similiter nobis vindicandi intelligimus. Incrementum vero quum res nostræ capiant vel ipsius naturæ beneficio, vel industria nostra, vel natura industriaque nostra simul, accessio à jureconsultis accuratiōribus in NATURALEM, INDUSTRIALEM, ET MIXTAM recte dispescitur. *)

Accessio
sio quid
et quo-
tuplex?

*) Sic naturæ solius beneficio debemus fœturam animalium, alluvionem, novam insulam, alveum derelictum. Industriæ nostræ novam speciem, rem rei nostræ adjunctam, adplumbatam, adferruminatam, intextam, adfusam vel admixtam, scripturam chartæ nostræ, picturam tabulæ nostræ illatam. Denique messem et auctumni dotes partim ubertati soli cœlique clementiæ, partim culturæ nostræ, adeoque et naturæ beneficio, et industriæ nostræ imputamus, ac proinde primi generis accessiones NATURALES; secundi INDUSTRIALES, tertii MIXTAS merito adpellamus. Quæ enim à nonnullis additur, FORTUITA ad occupationem rerum nullius rectius refertur.

§. CCLI.

Quod ad NATURALEM accessionem attinet, vel tale res

Funda- res nostra capit incrementum, cuius de origine et priore
menta domino nullo certo arguento constat, vel aliquid, quod
acces- jam in alterius dominio est, rei nostre accedit. Pri-
missionis re casu, quum res illa, cuius de domino nihil certi con-
natura- stare postet, pro re nullius merito habeatur, (§. CCXLII.)
lis. nihil obstat, 48) quo minus hujusmodi incrementum
cedat in accessionem rei nostrae, cui accessit, adeo-
que nobis adquiratur. At posteriore casu res habet do-
minum, qui alias usu rei suae jure excludit: (§. CCXXXI.)
atque inde merito inferimus, 49) hujusmodi rem, rei
nostrae quacumque ratione adjunctam, nobis non mag-
gis adquiri, quam si ventus vehementior vestes lineas,
a Titio in horto suo expansas, in aream nostram pro-
jecerit. *)

*) Nulla sane fingi potest ratio, quamobrem prior domi-
nus, de quo satis constat, dominio rei sur, adhuc ex-
stantis ac superstitis, excidere debeat, quum nec suo se do-
mino umquam abdicarit, nec illud facto ullo in alterum
transtulerit, nec ob solam calamitatem dominio suo quis-
quam jure privetur. Si quis ergo dominus manet rei, al-
terius rei casu quocumque adjuncta: isti procul dubio ad-
huc jus est alterum rei usu excludendi, (§. CCXXXI.)
adeoque, illo invito, huic adquici non posse dominium,
manifestum est.

§. CCLII.

*Specia-
tim de
fœtura
anima-
lium.*

Ex his vero evidentissimis principiis (§. CCLI. 48.
seq.) jam porro colligimus, 50) PARTUM cuius de ori-
gine non liquido constat, (quod plerumque fit in ani-
malibus, immo et in hominibus, extra legitimum ma-
trimonium natis) ventrem tamquam accessorium sequi,
idque legi naturae non absurde tribuere Ulpianum, l. 24.
D. de statu hom. Id tamen 51) vix æquum videtur, si
de utroque parente constet, *) nisi forte 52) ad pro-
creanda animalia communibus sumtibus alatur dignio-
ris sexus animal, velutis bos communis, vel 53) do-
minus equum admisarium vel bovem pro certa merce-
de vicinis locare soleat.

Garrison.

*) Hinc saltim in servis hoc casu passim obtinet partitio
ver-

vernarum, ita ut primus domino ventris, alter domino
servi patris cedat, et sic servilem sobolem ambo domini
per vices partiantur. Diximus ea de re Elem. Jur. Germ. I.
l. 30. ubi id jus et apud Wisigothos et apud Alama-
mos, et apud Bojos obtinuisse, ex lege Wisigoth. X. l. 17.
Goldasti rer. Alam. Tom. II. charta II. et Aventin. Annal.
Boic. Lib. VII. 14. 23. p. 708. ostendimus.

§. CCLIII.

Nec minus facile erit intellectu, ad quem pertineat
nova INSULA, sive in mari, sive in flumine nata. Quum
enim de dominio particularum terræ, quæ demum in
insulam coaluerunt, constare non possit: (§. CCLI. 48.) vis insu-
consequens est, 54) ut insula cedat in accessionem lis, sive
maris vel fluminis, *) ac proinde 55) si mare vel flu-
natis, si-
men in nullius dominio est, insula quoque sit nullius ve factis.
ac proinde cedat occupantibus: 56) sin vero, quod
plerumque fit, vel mare, vel flumen ad populum, ejus-
ve rectorem pertinet: (§. CCXLIII. 23.) is quoque
insulam illam merito sibi vindicet. Denique quum res,
cuius de dominio certo constat, non possit ulli per ac-
cessionem adquiri: (§. CCLI. 49.) fieri non potest, 57)
ut dominus amittat agrum, quem flumen superius di-
vergens, et inferius alveo suo junctum, insulae for-
mam redagit. Quod et Jcti agnoverunt l. 7. §. 4. l. 30.
§. 2. D. de adqu. rer. dom.

*) Itaque nulla ratio est, cur vicinis prædiis, et quidem vel
in utraque ripa, si insula in medio flumine nata sit, vel
in alterutra, cui proprior est, accresce et debeat nova in-
sula: quod tamen plerisque Jctis placuisse novimus §. 22.
Inst. de rer. divit. l. 7. §. 3. l. 29. l. 30. §. 1. *D. de ad-
qu. rer. dom.* Particulæ enim terræ, à cujus prædio avul-
se sint, non constat: et magis probable est, eas ab
agris superioribus, quam à vicinis ayulsas esse. Quin ali-
quando ipsum flumen particulas, que deinde in insulam co-
lescent, è fundo abrasas, secum vehit, teste Seneca na-
tur. i. quest. IV. 9. Sed fuit hæc sententia Cassi Longini,
quam deinde sectatores ejus, tamquam ex compacto pro-
barunt. Aggen Urbic. de limit. agr. p. 57. Eam vero more
suo explorserunt Proculiani, quorum antesignanus, Labeo
apud Paulum l. 65. §. 4. *D. de adqu. rer. dom.* Si id, in-
quit,

quit, quod in publico innatum aut edificatum est, publicum esse insula quoque, quae in fluminis PUBLICO nata est, PUBLICA esse debet.

§. CCLIV.

Nec alia ALLUVIONUM, et terræ VI. FLUMINIS avulsæ, ratio est. Quemadmodum enim, quod ad priorem Nec non attinet, de origine particularum, agro nostro paulatim adjectarum, certi quid constare non potest: (§. CCLI. 48.) ita nullum est dubium, 58) quin id quod vi fluminis nostris hoc modo accedit, nobis; 59) quod agro publico, viæve publicæ adjicitur, publico cedere debat.* Contra ea quum in vi fluminis de domino terræ avulsæ satis constet: (§. CCLI. 49.) 60) ea jure naturali circa dominium nihil mutari, palam est, 61) nisi forte dominus terram hoc modo avulsam pro derelicta habere malit. Quod in civitatibus ex intermissa per tempus legitimum vindicatione colligi solet. §. 21. Inst. de rer. divis. l. 7. §. 2. D. de aqua. rer. dom.

* Et hoc fundamento nititur jureconsultorum et agrimen-sorum distinctio inter agros arcifinios, qui non aliis, quam naturalibus, limitibus finiuntur, et limitatos, qui ad certum perticarum pedumque numerum adsignantur. l. 16. D. de aqua. rer. dom. l. 1. §. 6. D. de flumin. De qua agrorum differentia vid. Isidor. Orig. XI. 13. Auctores de limitis. p. 293. edit. Guil. Goessii, Jo. Fr. Gronov. ad Grot. de juro belli et pac. II. 3. 16. num. 1. Quidquid enim inter agros limitatos et flumen interjacet, id vel publicum, vel aliqui privato proprium esse, nemo non intelligit. Neutro autem casu agro limitato aliquid accedit.

§. CCLV.

Denique quod ad ALVEI MUTATIONEM attinet, si alveus derelictus, quantum constat, in nullius antea dominio fuit, ille 62) non potest vicinis, qui utrumque mutatio prædia habent, pro modo prædiorum adquiri, ut vine et in sum est jureconsultis Romanis l. 7. §. 5. D. de aqua. rer. undatio dom. sed, quia de fluminis, cuius pars est alveus, domino satis certo constat, (§. CCLI. 49.) 63. ille quam pars fluminis ejusdem erit, cuius flumen fuit:

que-

quemadmodum 64) ex eadem ratione novus alveus, iterum derelictus, procul dubio non minus manet priorum dominorum, quam 65) ager INUNDATUS, si deinde aqua recesserit.*

* Aliud dixeris, si perpetua sit inundatio, ut jam mera sit, ubi Troja fuit. Tunc enim res extinta videtur, quæ nullum nobis usum præstat, nec præstare umquam potest. Non entis vero, ejusque, quod nullum hominibus usum præstat, nullum est dominium, nulla proprietas. (§. CCXXXV. 10.) Ex quo sane consequitur, ut durissima sit eorum conditio, à quibus ob agros, mari vel flumine jam pridem absorptos, tributa, vectigalia et pensiones exiguntur, nisi forte culpa et negligencia sua in restituendis aggeribus meruerint, ut ita multcentur, quamvis et hæc poena satis immodica, immo durissima videatur. Quis enim tributis ac pensionibus oneret res, in quibus proprietas, ususfructus, possesio, et iter amissa sunt? l. 23. D. quib. mod. ususfr. amitt. l. 3. §. 17. l. 30. §. 3. D. de aqua. possess. l. 1. §. 9. D. de iis. actuque priv.

§. CCLVI.

Progedimur ad accessionem INDUSTRIALEM et MIXTAM, de qua subtiliter admodum philosophati sunt De acre jure consulti. Nos ita statuimus: Si res utriusque vo- luntate junctæ sint, ne dubitari quidem potest, quin in dus- terque fiat dominus pro rata, adeoque communio tri- positiva inducatur. (§. CCXXXI.) At hic de acces- sione, quæ altero inviso facta, loquimur. Hic quum primum domino jus sit, omnes rei usu excludere: (§. CCXXXI.) procul dubio etiam prohibere potest, quo minus, quidquam rei suæ, se invito jungatur. Quum vero quod jungitur rei nostræ, vel eam inutilem aut de- teriore saltim, vel meliorem præstantiore reddit, nos laedat: (§. CLXXVIII.) consequens est, 66) ut qui res nostras quacunque accessione industriali deterio- res vel plane inutiles reddidit, is, accepta re cor- rupta, ad omne damnum nobis resarcendum, quin, si dolo malo tale quid fecerit, simul ad poenam (§. CCXI. 119. sequ.) teneatur.

Zij

§. CCLVII.

§. CCLVII.

Axioma Sin res accessione quacumque industriali ab aliis
ta secun- meliores præstantioresque redditæ sunt : tunc multum
dum et interesse , videtur , possintne res sibi invicem junctæ,
tertium. sine notabili dispendio separari , an non possint. Pri-
ore casu , quum utriusque materiæ vel rei domino jus
sit , alterum usu rei suæ excludendi , (§. CCXXXI.)
id vero aliter exitum habere non possit , quam rebus
separatis : consequens est , 67) ut eo casu res junctæ
statim separandæ , suumque cuique tribuendum sit :
68) posteriore autem casu res junctæ alterutri addi-
cantur , condemnando simul ad æstimationem rei alien-
næ alteri , quem re sua carere oportet , *) pœnam
que , si in mala fide sit , præstandam. (§. CCXI.
119. sequ.)

*) Quisquis enim res alterius , quibus illi ad conservandam
suaviterque transigendam vitam opus est , intervertit , is
nos lœdit. (§. CXC. 52.) Qui nos lœdit , ad satisfac-
tionem tenetur. (§. CCX.) Ea , quum eo casu , ubi
factum infectum fieri nequit , in præstanda justa rei æs-
timatione consistat : (§. CCXII. 124.) consequens est ,
ut is , qui alterius rem intervertere , sibique habere cu-
pit , ustam ejus æstimationem præstare teneatur. Unde simul
æquissimam esse patet regulam πονθύλλην , neminem de-
bere cum alterius damno sine ratione locupletiorem fieri velle.

§. CCLVIII.

Nec non
qua-
tum
et se-
quentia.

Quum vero posteriore casu res junctæ alterutri ad-
dicendæ sint , (§. CCLVII. 68.) consequens est , ut
caussam justam , cur alteruter alteri præfendus sit ,
esse oporteat , (§. CLXXVII. 5.) Ea vero quum non
alia esse possit , quam alterutrius rei præstantia , quam
sæpius raritate et affectione , quam usu , æstimamus:
merito inde colligimus , 69) non semper procedere
regulam : *accessorium sequi suum principale* : cuius ab-
surditatem in pictura ipse Justinianus , et ante eum
Cajus , agnovit §. 34. Inst. de rer. divis. l. 9. §. 2. D.
de adqu. rer. dom. sed 70) res junctas addicendas es-
se illi , cuius res ob raritatem , affectionem , operas ,

curam et culturam majus pretium admittunt , *) eum-
que 71) alteri ad præstandam æstimationem damnan-
dum , 72) nisi ei tanti non sit res sua , ut non *na*
pretium recipere , quam offerre alteri , malit.

*) Veteres jurisconsultos hic non certa aliqua ratione natu-
rali niti , et hinc diversis admodum viis incedere jam ob-
servavit V. C. Jo. Barbeyrac. ad Pufendorff. de offic. hom.
et civ. I. 12. 7. Primus confusa distinguere , ac in ordi-
nem redigere conatus est vir acris et recti judicii , Christ.
Thomas. dissertatione singulari , de pretio affectionis in res
fungibles non cadente , Hal. MDCCI. 4. ubi ad eadem princi-
pia Cap. III. §. XXXVIII. sequ. doctrinas juris Romani de
accessione industriali accurate examinavit.

§. CCLIX.

Hinc facile patet , quid sentiendum sit de SPECI-
FICATIONE , qua nova forma in alterius materiam in-
troducitur. Quum enim plerumque in materiam nulla
cadat affectio , in formam , ob artificium , vel maxime
cadat : (§. CCLVIII. 70.) 73) nova species merito
addicenda fuerit specificanti , *) ad justam tamen
pretii æstimationem , et si sciens dolo malo id fecerit ,
in pœnam condemnando : (§. CCLVI. 66.) Thomas ,
dissert. laudata Cap. III. §. XLIII. sequ. quamvis 74)
ex eadem ratione omnino præferendus materiæ domi-
nus , si hæc rarer , et pluris sit quam forma , quæ
alterius opera accessit : e. g. si quis ex alterius elec-
tro , vel ære Corinthiaco , signum vel vas confecerit ,
isque tunc 75) obligatus sit ad mercedem pro opera ,
na
si specificans in bona fide fuerit , præstandam.

*) Nihil ergo solidi inest distinctioni , qua rem impeditis-
simam expedire voluit Justinianus §. 25. Inst. de rer. di-
vis. possitne videlicet nova species ad materiam reduci ,
nec ne. Nulla enim est idonea ratio , cur priore casu
dominus materiæ , posteriori specificans præferendus sit ,
maxime quum sæpe materia , demta forma , parum mag-
ni momenti futura sit. Vid. Pufend. de jure nat. et gen. IV.
7. 10. Immo aliquando centuplo plus pretii inest speciei ,
quam materiæ , ex qua illa confecta est. Quis vero tunc
domino materiæ speciem ideo addiceret , quod ad priorem
ma-

materiam reduci possit? At quem facilius præstetur aestimatio tabularum, quam ipsius navis, ex illis confectæ, quis ideo tabularum domino navem adjudicet, quod hac ad priorem materiam reduci possit? Sane hoc casu, si navis vetus alterius tabulis refecta sit, principium nostrum sequitur Julianus l. 61. D. de rei vind. quamvis procul dubio res in priorem formam reduci possit, etiamsi nova navis ex alienis tabulis facta sit. l. 26. pr. D. de adj. rer. dom.

§. CCLX.

Circa ad accessionis industrialis species haud posse junctio-trema est ADJUNCTIO, quando rei nostræ aliena, sive per inclusionem, sive per adferuminationem, adplum-baturamve, sive per intexturam, inædificationem, specia-tim in-scripturam, picturamque adjungitur. Et quidem, quum inclusio-INCLUSIO ita plerumque sit comparata, ut res juncta-nem, ad facile, et citra notabile dispendium, separari possint, furumi-eo vero casu res separari, et suam cuique tribui, æ-satio-quum sit: (§. CCLVII. 67.) nulla profecto ratio est, nem, ad-76) cur non illi, cuius auro gemma inclusa est, au-plumba-rum; domino gemmæ gemma reddi debeat. Nec 77) de adferruminatione, adplumbatura, et intextura ali-intextu-ter sentiendum videtur, si res citra notabile dispen-dium separari possint: alias 78) merito præferri jun-gentem existimamus, quia alterius materia raro pre-tium aliquod affectionis admittit. * (§. CCLVIII. 70.)

*) Accedit, quod sœpe incommodum futurum sit domino materia, si ea cum accessione retinere, pretiumque rei adjunctæ solvere jubeatur, maxime si re ista ob statum, ætatem, aliasque circumstantias uti non possit, e. g. si quis plebeji vesti latum clavum, vel plurimum auri ad-suisser. Res sane tunc, quod ad usum attinet, vere dete-rior, id est, illi inutilis facta est. Qui vero res nostras quacumque accessione industriali deteriores vel plane inuti-lites reddit, is, accepta re corrupta, ad omne damnum nobis resarcendum, quin, si dolo malo tale quid fecerit, simul ad poenam tenetur. (§. CCLVI. 66.)

§. CCLXI.

Si quis ex aliena materia in suo solo bona fide

ÆDIFICAVIT, et totum ædificium ex tignis ligneis cons-Circa in-tat: 79) nulla est ratio, cur, errore paulo maturius ædifica-animadverso, solvi non possint tigna juncta, domino- que reddi. *) (§. CCLVII. 67.) Sin ex solido lapi-de quis ædificari, vel tigna exempta inutilia futura es-sent domino: 80) æquissimum erit, ut ædificator, si justam æstimationem materiæ, poenamque insuper ob-dolum malum præstiterit, dominium ædificii conse-quatur. (§. CCLVII. 68. §. CCLVIII. 70.) Sin quis in alieno solo sua materia ædificari, 81) ædificium, quod sine notabili dispendio solvi potest, itidem dis-solvendum: (§. CCLVII. 67.) vel 82) domino soli, quod pretium adfectionis admittit, erit adjudicandum, (§. CCLVIII. 70.) nisi 83) ædificium plane inutile futurum esset domino soli, quo casu ædificans, ædi-ficio sibi retento, soli æstimationem, et si in mala fide sit, poenam præstare tenebitur. (§. CCLVI. 66.)

*) Ratio enim, cur tignum junctum solvi vetuerint decem-viri, ne scilicet urbes ruinis deformentur, l. 6. D. ad ex-sbib. l. 7. §. 10. D. de adqu. rer. dom. l. 1. D. de tigno juncto, mere civilis est, et in recta ratione præsidium plane nullum reperit. Hinc multæ gentes, quæ non solido lapide, sed trabibus tabulisque ad extruenda ædifica utebantur, ædifi-cium hoc similibusque casibus dirvi, tignaque avehi non modo siverunt, sed et legibus præceperunt. Vid. Jus prov. Sax. II. 53. et quæ ea de re monuimus in Elem. jur. Germ. II. 3. 66. Quis nō jam addimus dispositionem legis Longob. l. 27. 1.

§. CCLXII.

Minus difficilis est quæstio de SCRIPTURA et PIC-TURA. Quum enim ea, in quæ nulla cadit affectio al-teri, in cujus rem illa cadit, relinquenda sint, (§. CCLVIII. 70.) et in scripturam picturamque adfectio plerumque; in tabulam et chartam numquam cadat: conseqens est, 84) ut scripturæ tunc charta, et picturæ tabula cedere debeat, si scribens pingensque earum æstimationem præstare velit. *) Et si vel ma-xime nec scriptura, nec pictura adfectionem admit-tat, veluti si quis chartæ meæ res nugatorias inscri-serit, vel in tabula mea cucurbitas pinxerit: 85) ni-hil-

hilominus tamen et hoc casu scriptor, pectorque ineptus, re sibi accepta, ad pretium chartæ tabulæve præstandum tenebitur, ob axioma primum. (§. CCLVI 66.)

*) Mirum ergo est, jureconsultos Romanos, quorum quidam id in pictura observarunt, non idem observasse in scriptura. Quasi magis ferendum sit, scripturam viri docti cedere in accessionem vilissimæ chartæ, quam Apellis aut Parrhasii absolutissimum opus cedere in accessionem vilissimæ tabulæ. Præterea dum inædificationi scripturam comparant jureconsulti : §. 23. Inst. de rer. divisi. l. 9. D. de aqua. rer. dom. itidem merito quæsiveris, cur non eidem comparationi locus sit in pictura? itemque quæ similitudo singi possit soli, cui alter ædificium, me invito, impo- sit, et chartæ, cui aliquid inscripsit? Illo ægre, immo sæpenumero non sine maximo dispendio caremus: hanc nihil facimus, si vel æstimationem, vel tantumdem chartarum ejusdem bonitatis, recipiamus. Poetica hæc est similitudo, à forma scribendi desumpta, ob quam et Latini scriptores EXARARE LITTERAS pro scribere dixerunt. Sed hujusmodi similitudo duarum rerum, non statim debet easdem circa utramque decisiones in jurisprudentia producere.

§. CCLXIII.

Circa confusione et commixtione darum, et siccårum attinet, quamvis de utriusque discriminè subtiliter admodum disputent jureconsulti, l. 23. §. 5. D. de rei vind. res tamen eodem redit. Si enim 86) res utriusque voluntate vel confusæ, vel commixtæ sunt: materia communis, ac proinde inter utrumque pro quantitate qualitateque materia dividenda erit. (§. CCLVI.) Sin, altero invito, facta sit confusio vel commixtio: tunc 87) materia nullius usus confundenti miscentive erit adjudicanda, isque damnandus alteri ad æstimationem poenamve, si in dolo malo versatus sit, præstandam. (§. CCLVI. 66.) Si tamen 88) alter partem materiæ, quam pretium accipere malit, nullum est dubium, quin communionem, in quam initio invitum incidit, adprobet, eique adeo pars rata materiae communis denegari nequeat. *)

*) Nam et subsequita adprobatio pro consensu est, quamvis

vis minus, quam jussus et consensus, imputetur. (§. CXII. 51.) Hinc; si ex fortuita confusione vel curvatura metallorum nostrorum, et aurifabri insignis prodüsset materia, quale fuit, quod olim post incendium Corinthiacum primum visum ajunt, as Corinthiacum: nihil profecto nobis obstare crediderim, quo minus partem ex materia communis petamus. Quum enim communis futura esset, si nobis consentientibus esset conflata, (§. CCLVI.) adprobatio autem pro consensu sit: (§. CXII. 51.) nulla profecto ratio est, cur non et ob adprobationem fiat communis, ut partem pro rata nobis possimus vindicare.

§. CCLXIV.

Denique nec aliis principiis opus est circa SATIONEM et PLANTATIONEM, quas supra ad ACCESSIONES Circa MIXTAS retulimus. (§. CCL.) Nam 89) plantæ et aræ accessiores, antequam coaluerunt, procul dubio citra non-mixtabile dispendium separari, adeoque à domino jure tas, sa- vindicari possunt. (§. CCLVII. 67.) Contra 90) illæ, sationem quæ jam coaluerunt, nec non 91) sementa in agro et plan- sparsa quin commode separari à fundo non possint, nec tamen pretium adfectionis admittant, domino so- li adquiruntur, præstata æstimatione tum arborum se- minumve, tum impensarum in culturam factarum, (§. CCLVIII. 70. sequ.) nisi (92) posteriore casu soli dominus messem pro justa pensione ei, qui agrum suum consevit, relinquere malit. *

*) Cujus rei justas ac idoneas caussas habere potest dominus agri. Ut ecce, si agrum alter male coluefit, maleque con- severit, ut messem parum uberem espectare licet. Tunc sane domino inutilis esse posset messis, adeoque pro ille militaret axioma primum. (§. CCLVI. 66. 9)

§. CCLXV.

Postremo quod ad ARBOREM in confinio positam attinet, is qui illam plantat, in id consentit, ut ramorum pars super vicini aream propendeat; et vici fructus nus, qui, dum alterum usu areæ suæ excludere pos- set, id non facit, itidem in id consentit. Quum er- 9. accessio, utriusque consensu facta, rem reddat in confinio posi-

communem : (§. CCLVI.) consequens est , 93) ut arbor talis sit utrique communis , pro indiviso quidem , quamcum stat in confinio , pro diviso , simul ac eruta est , ac proinde 94) priore casu fructus et folia , 95) posteriore ipsa ligna pro rata inter utrumque vicinum merito dividantur . *)

(*) Hanc simplicitatem majores nostri prætulerunt juris Romanii subtilitatibus de alimentis , quæ per radices attrahant arbores , ipsamque paulatim mutent earum substantiam . l. 26. §. 2. D. de aqu. rer. dom. Germanicæ enim originis gentes magis ramorum , quam radicum , habuisse rationem , ostendimus in Elem. Jur. Germ. II. 3. 69.

C A P U T X I.

De Derivationibus dominii adquisitionibus , quæ vivo priore domino fiunt.

Semel adquisito domino ; aliquando mutatio quædam contingit , ut alius in re quadam adquirat vel proprietatem , vel dominium , quum antea horum nihil haberet . Has ADQUISITIONES nos supra DERIVATIVAS appellavimus . (§. CCXL.) Jam quum res , in qua proprietatem adquirimus , antea communis ; in qua dominium primum consequimur , antea sicuti propria fuerit : quoties ex re communi partem nostram accipimus propriam , toties DIVISIONEM , quoties totam soli adquirimus , CESSIONEM ; *) quoties denique res alterius propria , eo volente in nostrum dominium transiit , TRADITIONEM fieri dicimus .

*) Paulo latius quidem alias paret vocabuli CESSONIS notio , ut omnem juris vel actionis translationem in alterum significet . Enimvero quum tunc sub traditione comprehendendi possit , hic paulo arctioribus limitibus circumscribimus significationem vocabuli , ut sit translatio juris ac dominii , pluribus communis , in unum ex sociis , reliquorum consensu , facta . Hiac si e. g. coheredes in nomen aliquod hereditarium totum in unum ex coheredibus transcribunt , CESSISSE illi hoc nomen dicuntur .

S. CCLXVII.

S. CCLXVII.

Omnibus his casibus id , quod antea nostrum fuit , Per eas vel totum , vel pro parte , nostrum esse desinit , et fit alienus dominium vel proprietatem transit : id quod natio vel vocamus ALIENATIONEM , eaque , si ex anteriore ad necessitatem jure profiscitur , NECESSARIA ; si de novo , ria , vel consentiente utriusque voluntate , decernitur , VOLUNTARIA appellatur . *) Utraque vero efficit , ut alius ria , vel in alterius locum , adeoque et in jus circa illam rem , pura , vel et onera cum illa conjuncta succedat . Sic et alienatio , condicione à nulla circumstantia suspendit translationem dominii , PURA ; quæ suspendit , CONDITIONALIS dicitur .

*) Sice . g. necessaria est alienatio rei communis , quæ fit , socio ad divisionem provocante , quia socio , urgenti divisionem , in ea jam antea jus fuit . Necessaria item alienatio rei alicui oppignorata , quippe quæ itidem fit ob jus , creditori in illa re antea constitutum . Contra voluntaria est alienatio ædium , quas is , qui alibi Lares positurus est , vendit , et in quibus nemini omnino quidquam juris est . Ita explicanda est divisio , quam et Romana iurisprudentia agnoscit . l. 1. D. de fund. dot . l. 2. S. 1. D. de rebus eorum , qui sub tut. l. 13. l. 14. D. fam. ercisc . et alibi passim .

S. CCLXVIII.

Quum ergo voluntaria alienatio aliter , quam dictione consentiente , fieri ac intelligi non possit : consentire vero liceat in alienationem tum PRÆSENTEM , Eaque ut dominium nostrum in alterum , vivis nobis , transferatur , tum FUTURAM , ut quis post mortem demum nostra possessionem rerum nostrarum omnino consequatur , vel infatur , denique ille consensus in futuram alienationem turum , vel VERUS sit , vel ex FINE et INTENTIONE hominis colligatur : *) ex priore successio testamentaria ; ex posteriore intestatorum derivari solet . Jam de alienatione præsentे , sequente capite de futura erit disse- rendum .

*) Ad alienationem ergo futuram referimus eam , quando post mortem demum bonorum nostrorum possessio ad he-